

GOIERRIKO FORU BIDEGORRIEN ERAIKUNTZAREN ALDEKO ADIERAZPENA

1. Zaldibiako Udalbatzak bat egiten du 2013ko ekainaren 10ean Gipuzkoako Batzar Nagusietan aho batez onartu zen Bizikleta Bideen Lurraldearen Arloko Plana (2013/2021) Foru Arauarekin eta eskatzen dio Gipuzkoako Foru Aldundiari berau betetzea.
2. Zaldibiako Udalbatzak eskatzen dio Gipuzkoako Foru Aldundiari Gipuzkoako Bizikleta Bideen Lurraldearen Arloko Planak Goierrirako aurreikusten dituen foru bidegorrien eraikuntza ez baztertzea eta beraien lanei ahalik eta azkarren ekitea.
3. Zaldibiako Udalbatzak eskatzen dio Gipuzkoako Foru Aldundiari 2020ko aurrekontuetan partida bat sor dezala Goierrin 2013/2017ko 1. lau urtekoan eraiki behar ziren bidegorri guztien finantzaketa berma dezan, tartean Ordizia eta Zaldibia lotzen dituen.
4. Zaldibiako Udalbatzak eskatzen dio Gipuzkoako Foru Aldundiari Bizikleta Bideen Lurraldearen Arloko Planak Goierrirako aurreikusten dituen udal bidegorrien eraikuntza osatzeko 2020ko aurrekontuetan, helburu horri begira eta udalak diruz laguntzeko, partida bat sor dezala.
5. Zaldibiako Udalak adierazpen hau Gipuzkoako Batzar Nagusietara, Gipuzkoako Foru Aldundira, Mugikortasun Sailera, eta Gipuzkoako Bizikleten Kontseilura bidaliko du, eta beharrezko ikusten dituen hartu-emanak hasiko ditu.



ZALDIBIAKO UDALA

Udalbatzak aho batez onartua,
Zaldibian, 2019ko urriaren 29an